

Styresak

Går til: Styremedlemmer
Føretak: Helse Vest RHF
Dato: 29.05.2007
Sakshandsamar: Ivar Eriksen
Saka gjeld: **Val av nytt styre i Helse Stavanger HF**

Styresak 054/07 B

Styremøte 29.05.2007

Bakgrunn

I føretaksmøtet i Helse Stavanger HF den 6. april 2006 blei følgjande personar oppnemnde som representantar til styret i Helse Stavanger HF med verknad frå same dato:

Steinar Olsen, styreleiar
Odd Arild Kvaløy, nestleiar
Bitten Fugelsnes, styremedlem
Christine Sagen Helgø, styremedlem
Ole Hetland, styremedlem
Sigrid Helene Risa, styremedlem
Helge Bryne, styremedlem

Samansettinga av styre var på førehand behandla av styret i Helse Vest RHF i styremøte 23. mars 2006, sak 026/06 B.

Styret i Helse Stavanger HF har totalt 11 medlemmer. I tillegg til dei sju medlemmene som eigar oppnemnar i føretaksmøtet, blir 4 styremedlemmer valde av og blant dei tilsette i helseføretaket.

Etter helseføretakslova § 24 blir styremedlemmer valde for to år. I tillegg gjeld at eit fleirtal av dei styremedlemmene som er valde av eigar, skal veljast blant føreslåtte noverande eller tidlegare folkevalde på kommune- og fylkesnivå.

For å imøtekomme dette kravet blei alle kommunar og fylkeskommunar i regionen vinteren 2006 inviterte til å føreslå aktuelle og eigna folkevalde kandidatar til dei helseføretaksstyra som er naturlege i forhold til kommunen/fylkeskommunen si befolkning og dei ulike helseføretaka sine nedslagsfelt. For Helse Stavanger-området kom det inn i alt forslag på 31 kandidatar. Av desse blei Odd Arild Kvaløy, Bitten Fugelsnes, Christine Sagen Helgø og Sigrid Helene Risa valde.

Kommentarar

Helseføretakslova set rammer for styra sitt ansvarsområde og arbeidsoppgåver. Samansetting og utnemning av føretaka sine styre er eit viktig eigarverkemiddel. Føretaka er etablerte som sjølvstendige rettssubjekt med ansvarlege styre. Det er Helse Vest RHF v/styret – i eigenskap av å vere eigar – som set saman og utnemner styra i dei underliggjande helseføretaka.

Med bakgrunn i tilhøva i Helse Stavanger og den situasjonen som no ligg føre, tilrår styreleiar at det blir oppnemnd eit nytt styre for Helse Stavanger i samband med gjennomføringa av det ordinære føretaksmøtet for behandling av årsrekneskap mv onsdag 30. mai 2007.

Sjølv om tenestetida for styremedlemmer i helseføretak er 2 år, gir lova den som har valt styremedlemmene heimel til når som helst å gjere endringar i den eigaroppnemnde styresamansettinga, jf. helseføretakslova § 25 andre ledd. Dette inneber at føretaksmøtet alltid vil kunne skifte ut heile eller delar av styret utan omsyn til den normale tenestetida etter § 24. Ei slik avgjerd krev ikkje noko særskild grunngjeving.

Når det gjeld samansettinga av nytt styre, må eit fleirtal av dei eigaroppnemnde styremedlemmene velgast blant dei 31 kandidatane som blei føreslått for den toårsperioden som ein no er inne i. Fordi desse personane berre er føreslått for inneverande toårsperiode, vil tenestetida for det nye styret i realiteten berre bli eitt år, sjølv om tenestetida i følgje lova vil vere 2 år.

Forslag til vedtak:

1. Dei eigaroppnemnde representantane til styret i Helse Stavanger HF, oppnemnde i føretaksmøte 6. april 2006, vert løyste frå verva sine.
2. Val av nytt styre for Helse Stavanger HF blir gjennomført på føretaksmøtet 30. mai 2007.
3. Følgjande personar skal oppnemnast som representantar til styret i Helse Stavanger HF med verknad frå 30. mai 2007:
 - Styreleiar
 - Nestleiar
 - Styremedlem
 - Styremedlem
 - Styremedlem
 - Styremedlem
 - Styremedlem